



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 64. Ordo de Mercede.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

se accedentibus, quos tanquam Magi-  
 stros suos revereantur. *Etiam atque e-*  
*tiam exhortor, Fratres! cavete vobis a*  
*superbia, a vana gloria, & invidia. Qui*  
*literarum rudes sunt, non cupiant eas*  
*addiscere, sed orationi vacent, atque in*  
*humilitate & patientia exercentur.*

Hucusque S. Francisci Regula.

§. LXIV.

*Ordo de Mercede.*

Eodem anno in Hispania novus viro-  
 rum Religiosorum Ordo, videlicet *Catel. Lan-*  
 de mercede ad Redemtionem Captivo- *gued. p. 675.*  
 rum originem duxit, Auctore Petro No- *Vit. S. Petr.*  
 lasco, in loco, qui *Mansum* sanctarum *Nol. 29.*  
 puellarum prope Castrum novum dice- *Jan.*  
 batur, nato. Cum Rex Jacobus Arago- *Boll. to. 2.*  
 niæ, parente suo in pugna ad Muretum *p. 981.*  
 victo cæsoque, Carcassonæ captivus de-  
 tineretur, ei adhuc adolescentulo, vix  
 enim ad annum ætatis sextum pervene-  
 rat, Simon Montfortius Petrum Nola-  
 scum comitem & moderatorem dedit.  
 Princeps deinde anno millesimo ducen-  
 tesimo decimo quarto, urgente Papa, ut *Indic.*  
 retulimus, ad sua dimissus est. Elapso *Arag. an.*  
 exinde triennio, Petrus ad Regem Barci- *1214.*  
 none tunc commorantem se contulit, &  
 cum jam diu vehementissimo desiderio  
 teneretur, Christianis, a Mauris captis,  
 opem ferendi, Regem juvenem permo-

§ s § vit,

Sæcul. XIII. vit, ut Instituto Religiosi Ordinis, ad  
 A.C. 1223. hoc opus caritatis destinati, faveret.  
 Quippe Petrus jam tunc non nullos socios ac laboris sui confortes collegerat, quos præcipue excitabat periculum animarum, ne captivi fideles, violenta tentatione & amore libertatis victi, Religionem abjicerent.

vit. S. Raim. Hanc Petri Nolasci mentem confirmavit Raimundus de Pegnafort, tunc  
 7. Jan. Bol. Barcinone commorans, quem Confessarium seu conscientia suæ arbitrum delegerat. Ferunt, una nocte S. Virginem Petro, Raimundo, & Jacobo Regi Aragoniæ conspicuam factam, dixisse singulis, sibi, Filioque suo gratissimum fore, si Ordo Virorum Religiosorum ad redimendos captivos conderetur. Ut ut vero ista sint, novus Ordo, solemnibus Ritu, anno millesimo ducentesimo vigesimo tertio, die decima Augusti, in Festo S. Laurentii, Barcinone, in Ecclesia Cathedrali, S. Cruci Sacra, præsentibus Rege & frequenti populo, institutus est. Berengario Episcopo Missam celebrante, Raimundus de Pegnafort ad Offertorium pro concione dicens novi Instituti rationem exposuit, ac Petrus Nolasus omnium primus de manu Episcopi Habitu recepit, nempe tunicam, scapulare, & humerale, omnia candidi coloris; super scapulare autem scutum & inserta vexilla

vexilla Aragoniæ, eminente Cruce, conspiciantur. Tum Raimundus Ordinis Constitutiones concinnavit, a Gregorio IX. Papa post annos exinde duodecim, die decima septima Januarii, anno millesimo ducentesimo trigesimo quinto, confirmatas.

Sæcul. XIII.

A. C. 1224.

Bullar.

Greg. IX.

Const. 9. to. I.

p. 104.

§. LXV.

*Friderici Imperatoris Constitutiones contra Hæreticos.*

Anno millesimo ducentesimo vigesimo quarto, nempe ad Epiphaniam Domini, Hermannus Magister Equitum Teutonicorum, ex Palæstina in Siciliam ad Fridericum Imperatorem profectus, cunctantem ad succurrendum Terræ sanctæ vehementissime excitavit. Jamque Imperator Italiam indeque Germaniam petere animo constituerat, itinere in Palæstinam suscipiendo necessaria paraturus, cum Saraceni, qui in Insula supererant, eum detinuerunt, oblati pactis, quibus sui deditioem facerent. Satis ergo Friderico fuit, Equitum Teutonicorum Magistrum in Germaniam mittere, cum mandatis; Romam in itinere diverteret, & Papæ Epistolam suo nomine redderet. Simul his, ut ostenderet, quanto fervore salvam Religionem cuperet, Constitutiones tres adversus Hæreticos

Godef.